

神曲辰本草經

序錄
卷上

奴
799
/



門 421
號 799
五



嘉州中興重輯開彫



禮
農
本
州
經

森氏鼎知藥座藏梓



神農本草經序

嘉慶中庚子仲夏月

神農本草經序

醫經從來鮮有古本。至本草經而極矣。蓋素靈難經。及仲景書。俱有宋人所校。如本草經。則自陶隱居為之集注。而蘇長史續有新修之撰。爾後轉輾附益。非一。而舊經之文。竟併合于諸家書中。無復專本之能傳于後矣。赭鞭之事。邈乎遠矣。要是往聖識識相因之遺言。則後之講藥性之理者。捨此將何從焉。但其轉輾附益之非一。朱墨之相錯。文字譌脫。亦復在所不免。此豈可聽其沿革而不知所以攷訂之也耶。明盧不遠有見於斯。摘錄為編。以收入于醫種子中。然不遠本無學識。徒採之

神農本草經序
李氏綱目。紕繆百出。何有於古本乎。嘉慶中孫伯淵及鳳卿。有輯校本。頗稱精善。然其叙次。猶據李氏。而其名目。亦或私意更改。且以序列退置編末。附以藥對諸藥。佐使。如此之類。均不免杜撰。顧彼土唐以上舊帙之存者。不似。

皇國之多。文獻無徵。仍所以有此陋也歟。福山醫員森立夫。才敏力學。枕葑此經。蓋亦有年。近日徵之唐以上舊帙。恍然悟古本之叙次。因又推而是正。朱墨混淆者。參互審勘。務復隱居所覩之舊。錄成清本。刊印傳布之。蓋本草經舊本面目。於是乎始顯白于世。使後之講藥

性者。人人得津逮于此。則立夫之功。不亦偉歟。立夫更著本草經攷注若干卷。攷證極密。余將慙其成。以俾與此本併行云。嘉永七年歲在闕逢攝提格五月壬子。江戶侍醫尚藥兼醫學教諭丹波元堅撰。

神農本草經序
皇國醫心方。太平御覽所引校之。而知蘇敬時校改亦復不少也。於是反覆校讎。而後白黑二文始得復陶氏之舊。白黑二文得復陶氏之舊。而後神農之經。可因以窺其全豹焉。遂就中採摭白字。輯為四卷。攷經名以本草者。蓋謂藥物以草為本。故說文解字云。藥治病艸也。呂氏春秋孟夏紀云。是月也。聚蓄百藥。高誘注。是月陽氣極。百草成。故聚積也。百藥既是為百草所成。則可見藥物以草為本也明矣。其玉石鳥獸蟲魚屬亦謂之藥。則六書轉注之義。本經計藥品每稱幾種。亦與此一例。本草釋云。藥之衆者。莫過於草。故舉多者。言之本草。惟宗

時俊醫家千字文引韓保昇云。按藥有玉石草木蟲獸。而直云本草者。為諸藥中草類最衆也。證類本草引此說是也。其冠以

神農二字者。猶內經冠以黃帝二字。未始出神農氏也。陶氏本草經序云。軒轅以前。文字未傳。如六爻指垂畫像。稼穡即事成迹。至於藥性所主。當識識相因。不爾者。何由得聞。至桐雷廼著在於篇簡。此書應與素問同類。但後人多更修飭之爾。掌禹錫等云。蓋上世未著文字。師學相傳。謂之本草。兩漢以來。名醫益多。張機華佗輩。始因古學。附以新說。通為編述。本草繇是。見於經錄。此說是也。案帝王世紀云。炎帝神農氏。嘗味草木。宣藥療疾。救夭傷之命。百姓日用而不知。著本草四卷。

神農本草經序
自此言始出。學者習見，以為本草神農所作，而或疑以禹餘糧、胡麻為後人所增，殊不知雖白字經文未詳成于何時，然以黑字已出。吳普、李當之輩推之，則其迢出於西漢以前可尋也。則其有禹餘糧、胡麻，乃與靈樞有例。復奚疑乎。其書漢志不著錄，唯平帝紀、郊祀志及樓護傳，並有本草之目。蓋本草漢時方術之士專修之，所以漢書每連言方術、本草也。其謂上古無為，莫有疾病，縱有微恙，不至沈固，故云上藥養命，中藥養性，下藥治病，是固神農家古義。孫真人云：古者日長，藥在土下，自養經久，氣味真實，百姓少欲，稟氣忠信，感病輕微，易為醫療。此之謂也。其上中二品中，多有輕身延年之語者。蓋謂此諸藥，便為益氣通脈之物，多服之，則耳目聰明。

九竅通暢，久服乃至輕身延年也。如古本草分類次序，以玉石為第一，次之以草木，次之以蟲獸，次之以果菜，次之以米食。凡藥以遠於常食者為尊，故置之最初，以人常食者為卑，故置之最後。其尊卑等級，乃與素問上古天真論所稱真人至人、聖人、賢人、次第正同。醫心方引養生要集云：郗悟千金載此文，悟作情。論服藥云：夫欲服食，當尋性理所宜，審冷熱之適，不可見彼得力，我僂服之。初御藥，先草次木，次石，將藥之大較，所謂精麤相代，階麤以至精者也。可以證矣。其卷數，隋志有神農本草經三卷。舊新唐志並同。又有神農本草四卷，雷公集注本草經四卷。

神農本草經 序
蔡英撰。本草鈔四卷。帝王世紀云。炎帝神農氏著本草四卷。抱朴子亦引神農四經。陶氏序云。今之所存。有此四卷。是其本經。而嘉祐本草。掌禹錫云。唐本亦作四卷。韓保昇亦云。神農本草。上中下并序錄。合四卷。然則陶氏以前本經正文。必是四卷。據上藥本上經。中藥本中經。下藥本下經之文。則三品三卷。并序錄爲四卷。宜如保昇所言也。而掌禹錫乃云。四字當作三。傳寫之誤也。何則。按梁七錄云。神農本草三卷。又據今本經陶序後。朱書云。本草經卷上卷中卷下。卷上注云。序藥性之源。本論病名之形診。卷中云。玉石草木三品。卷下云。蟲獸

果菜米食三品。卽不云三卷外別有序錄。明知韓保昇所云。又據誤本。妄生曲說。今當從三卷爲正。此說非是。何以知然。陶序後有云。右三卷。其中下二卷。藥合七百三十種。據此。則知陶所云三卷者。卽唐宋諸類書等所引本草經。朱墨混雜者。而梁錄隋志所稱神農本草經三卷。蓋存是也。若陶氏以前本。則必是四卷。非三卷也。而綱目序例。載本草經上藥百廿品。中藥百廿品。下藥百廿五品目錄。明盧復醫種子本依之。妄意條析。以充本經三卷之數。則潛妄不足據矣。清孫星衍所輯神農本經三卷。攷證頗精。然其體式。一依證類。此亦未足據

也。今復古體。以序錄為一卷。上藥為一卷。中藥為一卷。下藥為一卷。凡四卷。至於每卷各藥次序。更不可問。但證類陶序後。引唐本注云。豈使草木同品。蟲獸共條。披覽既難。圖繪非易。據此則知蘇敬以前陶氏七卷本。必是草木同品。蟲獸共條矣。今據真本千金方及醫心方所載七情條例。以草木混同。蟲獸合併。如其無七情藥。則依見存舊鈔新修本草次序以補之。新修所缺則又依本草和名以足之。本草和名部分及藥名次序。每條體例。一依太平御覽。藥名下直列一名。證類本草黑字。水花。新修本草同。此特與御覽合。據此則今本以一名置條末者。係蘇敬所改。此條偶未歷校。改足觀舊本面。

目次舉氣味。乾漆及白頭翁條。氣味下有無毒二字。白字。僅存古色。且御覽及嘉祐今此二條。白字無毒。黑字有毒。語則無毒。有等字。蓋本經既往。引吳氏載神農無毒等。雜書時。其相同者。皆從墨字。例但此二條。本經無毒。別錄有毒。故不得御覽撰修時。此二字已朱書也。然御覽無。兩書也。可知御覽撰修時。此二字已朱書也。然御覽無。今不得悉依此。以補訂。姑錄俟。次記出處。御覽氣味。山谷等語。必是朱書原文。主治末。亦有生太山等字。必是墨書原文。蘇敬新修時。一變此體。直於主治下。記生。太山山谷等語。開寶以後。全仿此體。古色不可見。今依御覽補生山谷等字。陶氏以前。之舊面。蓋如此矣。但朱書原文。或有已經後人羈入者。爾雅釋文。引本草云。苦菜。生益州。川谷。名醫別錄云。生山陵道旁。是似益州。二字。本經朱字。已有之。而顏氏家訓云。本草神農所述。而有豫章朱崖等郡縣名。皆由後人所羈。非本文也。然則陸氏所見七卷本草。已為羈。次錄主治。今本白字中。亦入本。未必昉于蘇敬時也。

亦農本草經序
字者滑石車前子石韋瞿麥髮髮燕矢斑苗貝子冬葵
子條並有癰字石膽石龍芎石龍子桑螵蛸馬刀條並
有淋字石蠶條癰淋並稱之類是
也今不可分別以備後日參攷耳
經文一從證類本草
是為開寶以來摸刻所傳尤可據也其白黑分書大觀
政和二本互有出入及

皇國所傳各種古籍唐宋諸類書所引異同不尠亦皆
一一校勘別作攷異以附于後但恐寡聞淺見不免遺
漏以俟識者補訂耳嘉永七年甲寅正月福山森立之
書於員山温知藥室中

本草經序錄

上藥一百二十種為君主養命以應天無毒多服久服
不傷人欲輕身益氣不老延年者本上經

中藥一百二十種為臣主養性以應人無毒有毒斟酌
其宜欲遏病補虛羸者本中經

下藥一百二十五種為佐使主治病以應地多毒不可
久服欲除寒熱邪氣破積聚愈疾者本下經

藥有君臣佐使以相宣攝合和宜用一君二臣五佐又
可一君三臣九佐

藥有陰陽配合子母兄弟根莖華實草石骨肉有單行

者。有相須者。有相使者。有相畏者。有相惡者。有相反者。有相殺者。凡此七情。合和視之。當用相須相使者良。勿用相惡相反者。若有毒宜制。可用相畏相殺者。不爾勿合用也。

藥有酸鹹甘苦辛五味。又有寒熱溫涼四氣。及有毒無毒。陰乾暴乾。採治時月。生熟。土地所出。真偽陳新。並各有法。

藥有宜丸者。宜散者。宜水煮者。宜酒漬者。宜膏煎者。亦有一物兼宜者。亦有不可入湯酒者。並隨藥性。不得違越。

欲治病。先察其源。候其病機。五藏未虛。六府未竭。血脈未亂。精神未散。服藥必活。若病已成。可得半愈。病勢已過。命將難全。

若用毒藥療病。先起如黍粟。病去即止。不去倍之。不去十之。取去為度。

治寒以熱藥。治熱以寒藥。飲食不消。以吐下藥。鬼注蠱毒。以毒藥。癰腫瘡癤。以瘡藥。風溼。以風溼藥。各隨其所宜。

病在胃膈以上者。先食後服藥。病在心腹以下者。先服藥而後食。病在四肢血脈者。宜空腹而在日。病在骨髓

者。宜飽滿而在夜。夫大病之主。有中風傷寒。寒熱溫瘧。中惡霍亂。大腹水腫。腸澀下利。大小便不通。貫豚上氣。欬逆嘔吐。黃疸消渴。留飲癖食。堅積癥瘕。驚邪癲癇。鬼注。喉痹齒痛。耳聾目盲。金創踈折。癰腫惡瘡。痔瘻癭瘤。男子五勞七傷。虛乏羸瘦。女子帶下崩中。血閉陰蝕。蟲蛇蠱毒所傷。此大略宗兆。其間變動枝葉。各宜依端緒以取之。

本草經序錄

神農本草經序錄 神農本草經序錄 神農本草經序錄 神農本草經序錄 神農本草經序錄

本草經卷上

玉泉	丹沙	水銀	空青
曾青	白青	扁青	石膽
雲母	朴消	消石	礬石
滑石	紫石英	白石英	五色石脂
大一禹餘糧		禹餘糧	青芝
赤芝	黃芝	白芝	黑芝
紫芝	赤箭	伏苓	松脂
柏實	箇桂	牡桂	天門冬
麥門冬	水	女萎	乾地黄

昌蒲

遠志

澤烏

署豫

菊華

甘草

人參

石斛

石龍芮

石龍蒴

落石

王不留行

藍實

景天

龍膽

牛膝

杜仲

乾漆

卷柏

細辛

獨活

升麻

芫胡

房葵

著實

酸棗

槐實

枸杞

橘柚

奄闔子

薏苡子

車前子

蛇牀子

茵陳蒿

漏蘆

兔絲子

白莫香土

白蒿

肉縱容

地膚子

析蓂子

芫蔚子

木香

蒺藜子

天名精

蒲黃

香蒲

蘭草

雲實

徐長卿

茜根

營實

旋華

白兔藿

青蘘

蔓荊實

秦椒

女貞實

桑上寄生

蕤核

辛夷

木蘭

榆皮

龍骨

牛黃

麝香

髮髮

熊脂

石蜜

蠟蜜

蜂子

白膠

阿膠

丹雄雞

鴈肪

牡蠣

鯉魚膽

蠶魚

蒲陶

蓬蘽

大棗

藕實

雞頭實

白瓜子

瓜蒂

冬葵子

萹實

苦菜

胡麻

麻蕒

玉泉一名玉札味甘平。生山谷。治五藏百病。柔筋強骨。安魂魄。長肌肉。益氣。久服耐寒暑。不飢渴。不老。仙人臨死服五斤。死三年色不變。

丹沙味甘微寒。生山谷。治身體五藏百病。養精神。安魂魄。益氣明目。殺精魅邪惡氣。久服通神明不老。能化為

汞。

水銀味辛寒。生平土。治疥癩痂瘍白禿。殺皮膚中蟲蝨。

墮胎。除熱。殺金銀銅錫毒。鎔化還復為丹。久服神仙不死。

空青味甘寒。生山谷。治青盲耳聾。明目。利九竅。通血脈。

養精神。久服輕身延年不老。能化銅鐵鉛錫作金。

曾青味酸小寒。生山谷。治目痛止淚。出風痹。利關節。通

九竅。破癥堅積聚。久服輕身不老。能化金銅。

白青味甘平。生山谷。明目。利九竅。耳聾。心下邪氣。令人

吐。殺諸毒三蟲。久服通神明。輕身延年不老。

扁青味甘平。生山谷。治目痛明目。折跌癰腫。金創不瘳。

破積聚。解毒氣。利精神。久服輕身不老。

石膽一名畢石。味酸寒。生山谷。明目。目痛。金創諸癩瘡。女子陰蝕痛。石淋寒熱。崩中下血。諸邪毒氣。令人有子。鍊餌服之不老。久服增壽神仙。能化鐵爲銅。成金銀。雲母一名雲珠。一名雲華。一名雲英。一名雲液。一名雲沙。一名磷石。味甘平。生山谷。治身皮死肌。中風寒熱。如在車船上。除邪氣。安五藏。益子精。明目。久服輕身延年。朴消。味苦寒。生山谷。治百病。除寒熱邪氣。逐六府積聚。結固留癖。能化七十二種石。鍊餌服之。輕身神仙。消石。一名芒消。味苦寒。生山谷。治五藏積熱。胃脹閉。滌去蓄結飲食。推陳致新。除邪氣。鍊之如膏。久服輕身。

燐石一名羽涅。味酸寒。生山谷。治寒熱泄利。白沃陰蝕。惡瘡目痛。堅骨齒。鍊餌服之。輕身不老增年。

滑石。味甘寒。生山谷。治身熱泄瀉。女子乳難。癰閉。利小便。蕩胃中積聚寒熱。益精氣。久服輕身耐飢長年。

紫石英。味甘溫。生山谷。治心腹欬逆邪氣。補不足。女子風寒在子宮。絕孕十年無子。久服溫中輕身延年。

白石英。味甘微溫。生山谷。治消渴。陰痿不足。欬逆。胃膈間久寒。益氣。除風溼痹。久服輕身長年。

青石赤石黃石白石黑石脂等。味甘平。生山谷。治黃疸。泄利腸澼。膿血陰蝕。下血赤白。邪氣癰腫。疽痔惡瘡。頭

瘍疥瘙。久服補髓益氣。肥健不飢。輕身延年。五石脂各隨五色補五藏。

大一禹餘糧。一名石腦。味甘平。生山谷。治欬逆上氣。癥瘕血閉漏下。除邪氣。久服耐寒暑不飢。輕身飛行千里神仙。

禹餘糧。味甘寒。生池澤。治欬逆寒熱煩滿。下利赤白。血閉癥瘕大熱。鍊餌服之。不飢輕身延年。

青芝。一名龍芝。味酸平。生山谷。明目。補肝氣。安精魂。仁恕。久食輕身不老。延年神仙。

赤芝。一名丹芝。味苦平。生山谷。治胃中結。益心氣。補中。

增智慧。不忘。久食輕身不老。延年神仙。

黃芝。一名金芝。味甘平。生山谷。治心腹五邪。益脾氣。安神。忠信和樂。久食輕身不老。延年神仙。

白芝。一名玉芝。味辛平。生山谷。治欬逆上氣。益肺氣。通利口鼻。強志意。勇悍。安魄。久食輕身不老。延年神仙。

黑芝。一名玄芝。味鹹平。生山谷。治癰。利水道。益腎氣。通九竅。聰察。久食輕身不老。延年神仙。

紫芝。一名木芝。味甘溫。生山谷。治耳聾。利關節。保神。益精氣。堅筋骨。好顏色。久服輕身不老。延年神仙。

赤箭。一名離母。一名鬼督郵。味辛溫。生川谷。殺鬼精物。

治蠱毒惡氣。久服益氣力。長陰肥健。輕身增年。

伏苓。一名伏菟。味甘平。生山谷。治胃脇逆氣。憂恚驚邪。恐悸。心下結痛。寒熱煩滿。欬逆。止口焦舌乾。利小便。久服安魂魄。養神。不飢延年。

松脂。一名松膏。一名松肪。味苦温。生山谷。治癰疽惡瘡。頭瘍白禿。疥癢風氣。安五藏。除熱。久服輕身不老延年。柏實。味甘平。生山谷。治驚悸。安五藏。益氣。除風溼痹。久服令人潤澤美色。耳目聰明。不飢不老。輕身延年。箇桂。味辛温。生山谷。治百疾。養精神。和顏色。爲諸藥先娉。通使。久服輕身不老。面生光華。媚好常如童子。

牡桂。味辛温。生山谷。治上氣欬逆。結氣。喉痹吐吸。利關節。補中益氣。久服通神。輕身不老。

天門冬。一名顛勒。味苦平。生山谷。治諸暴風溼偏痺。強骨髓。殺三蟲。去伏尸。久服輕身益氣延年。

麥門冬。味甘平。生川谷。治心腹結氣。傷中傷飽。胃絡脈絕。羸瘦短氣。久服輕身不老不飢。

朮。一名山薊。味苦温。生山谷。治風寒溼痹。死肌。痙。疸。止汗除熱。消食。作煎餌。久服輕身延年不飢。

女萎。味甘平。生川谷。治中風暴熱不能動搖。跌筋結肉。諸不足。去面黑黧。好顏色潤澤。久服輕身不老。

神農本草經 卷一
六
乾地黄一名地髓味甘寒生川澤治折跌絕筋傷中逐血痹填骨髓長肌肉作湯除寒熱積聚除痹生者尤良久服輕身不老。

昌蒲一名昌陽味辛溫生池澤治風寒溼痹欬逆上氣開心孔補五藏通九竅明耳目出音聲久服輕身不念不迷惑延年。

遠志一名棘菟一名要繞一名細草味苦溫生川谷治欬逆傷中補不足除邪氣利九竅益智慧耳目聰明不念強志倍力久服輕身不老葉名小草。

澤烏一名水烏一名芑芋一名鵠瀉味甘寒生池澤治

風寒溼痹乳難消水養五藏益氣力肥健久服耳目聰明不飢延年輕身面生光能行水上。

署豫一名山芋味甘溫生山谷治傷中補虛羸除寒熱邪氣補中益氣力長肌肉久服耳目聰明輕身不飢延年。

菊華一名節華味苦平生川澤治風頭頭眩腫痛目欲脫淚出皮膚死肌惡風溼痹久服利血氣輕身耐老延年。

甘草味甘平生川谷治五藏六府寒熱邪氣堅筋骨長肌肉倍力金創瘡解毒久服輕身延年。

人參。一名人銜。一名鬼蓋。味甘微寒。生山谷。補五藏。安精神。定魂魄。止驚悸。除邪氣。明目。開心益智。久服輕身延年。

石斛。一名林蘭。味甘平。生山谷。治傷中。除痹。下氣。補五藏。虛勞羸瘦。強陰。久服厚腸胃。輕身延年。

石龍芮。一名魯果能。一名地樞。味苦平。生川澤。治風寒溼痹。心腹邪氣。利關節。止煩滿。久服輕身明目不老。

石龍蕒。一名龍須。一名續斷。味苦微寒。生山谷。治心腹邪氣。小使不利。淋閉。風溼。鬼注惡毒。久服補虛羸。輕身耳目聰明延年。

落石。一名石鮫。味苦温。生川谷。治風熱死肌。癰傷。口乾舌焦。癰腫不消。喉舌腫。水漿不下。久服輕身明目。潤澤好顏色。不老延年。

王不留行。味苦平。生山谷。治金創。止血逐痛。出刺。除風痹。內寒。久服輕身耐老增壽。

藍實。味苦寒。生平澤。解諸毒。殺蠱蚊。注鬼螫毒。久服頭不白。輕身。

景天。一名戒火。一名慎火。味苦平。生川谷。治大熱火瘡。身熱煩。邪惡氣。華。治女人漏下。赤白。輕身明目。

龍膽。一名陵游。味苦寒。生山谷。治骨間寒熱。驚癇。邪氣。

續絕傷。定五藏。殺蠱毒。久服益智不忘。輕身耐老。

牛膝。一名百倍。味苦平。生川谷。治寒溼痿痹。四肢拘攣。

膝痛不可屈伸。逐血氣。傷熱火爛。墮胎。久服輕身耐老。

杜仲。一名思仙。味辛平。生山谷。治腰脊痛。補中。益精氣。

堅筋骨。強志。除陰下痒溼。小便餘瀝。久服輕身耐老。

乾漆。味辛溫。無毒。生川谷。治絕傷。補中。續筋骨。填髓腦。

安五藏。五緩六急。風寒溼痹。生漆。去長蟲。久服輕身耐

老。

卷柏。一名萬歲。味辛溫。生山谷。治五藏邪氣。女子陰中

寒熱痛。癥瘕血閉絕子。久服輕身。和顏色。

細辛。一名小辛。味辛溫。生山谷。治欬逆。頭痛腦動。百節

拘攣。風溼痹痛。死肌。明目。利九竅。久服輕身長年。

獨活。一名羌活。一名羌青。一名護羌使者。味苦平。生川

谷。治風寒所擊。金創。止痛。賁豚。癰瘕。女子疝瘕。久服輕

身耐老。

升麻。一名周麻。味甘平。生山谷。解百毒。殺百精。老物殃

鬼。辟溫疫。鄣邪。蠱毒。久服不夭。輕身長年。

芘胡。一名地熏。味苦平。生川谷。治心腹腸胃中結氣。飲

食積聚。寒熱邪氣。推陳致新。久服輕身。明目益精。

房葵。一名黎蓋。味辛寒。生川谷。治疝瘕。腸泄。膀胱熱結

神農本草經 卷一
溺不下。欬逆。溫瘧癩癘。驚邪狂走。久服堅骨髓。益氣輕身。

著實。味苦平。生山谷。治陰痿水腫。益氣充肌膚。明目聰慧。先知。久服不飢。不老輕身。

酸棗。味酸平。生川澤。治心腹寒熱。邪結氣。四肢酸疼。溼痹。久服安五藏。輕身延年。

槐實。味苦寒。生平澤。治五內邪氣熱。止涎唾。補絕傷。五痔火瘡。婦人乳瘦。子藏急痛。

枸杞。一名杞根。一名地骨。一名苟忌。一名地輔。味苦寒。生平澤。治五內邪氣。熱中消渴。周痹。久服堅筋骨。輕身。

耐老。

橘柚。一名橘皮。味辛溫。生川谷。治胃中瘕熱氣。利水穀。久服去臭下氣。通神。

奄闔子。味苦微寒。生川谷。治五藏瘀血。腹中水氣。臚脹。留熱。風寒溼痹。身體諸痛。久服輕身延年不老。

薏苡子。一名解蠡。味甘微寒。生平澤。治筋急拘攣。不可屈伸。風溼痹。下氣。久服輕身益氣。其根下三蟲。

車前子。一名當道。味甘寒。生平澤。治氣癢。止痛。利水道。小便。除溼痹。久服輕身耐老。

蛇牀子。一名蛇粟。一名蛇米。味苦平。生川谷。治婦人陰

中腫痛。男子陰痿溼痒。除痹氣。利關節。癩癘惡瘡。久服輕身。

茵陳蒿。味苦平。治風溼寒熱邪氣。熱結黃疸。久服輕身益氣耐老。

漏蘆。一名野蘭。味苦寒。生山谷。治皮膚熱。惡瘡疽痔。溼痹。下乳汁。久服輕身益氣。耳目聰明。不老延年。

兔絲子。一名菟蘆。味辛平。生山谷。續絕傷。補不足。益氣力。肥健。汁去面黥。久服明目輕身延年。

白莫。一名穀菜。味甘寒。生山谷。治寒熱八疸消渴。補中益氣。久服輕身延年。

白蒿。味甘平。生川澤。治五藏邪氣。風寒溼痹。補中益氣。長毛髮令黑。療心懸。少食常飢。久服輕身耳目聰明不老。

肉縱容。味甘微溫。生山谷。治五勞七傷。補中除莖中寒熱痛。養五藏。強陰。益精氣。多子。婦人癥瘕。久服輕身。

地膚子。一名地葵。味苦寒。生平澤。治膀胱熱。利小便。補中益精氣。久服耳目聰明。輕身耐老。

析蓂子。一名蔑荊。一名大藪。一名馬辛。味辛微溫。生川澤。明目。目痛淚出。除痹。補五藏。益精光。久服輕身不老。

菟蔚子。一名益母。一名益明。一名大札。味辛微溫。生池

澤。明目益精。除水氣。久服輕身。莖。治癰瘕。瘵。可作浴湯。木香。味辛溫。生山谷。治邪氣。辟毒疫。溫鬼。強志。治淋露。久服不夢寤。魘寐。

蒺藜子。一名旁通。一名屈人。一名止行。一名豺羽。一名外推。味苦溫。生平澤。治惡血。破癥結。積聚。喉痺。乳難。久服長肌肉。明目輕身。

天名精。一名麥句薑。一名蝦蟆藍。一名豕首。味甘寒。生川澤。治瘀血。血癥。欲死。下血。止血。利小便。除小蟲。去癩。除胃中結熱。止煩渴。久服輕身耐老。蒲黃。味甘平。生池澤。治心腹膀胱寒熱。利小便。止血消

瘀血。久服輕身。益氣力。延年神仙。

香蒲。一名睡。味甘平。生池澤。治五藏心下邪氣。口中爛臭。堅齒。明目聰耳。久服輕身耐老。

蘭草。一名水香。味辛平。生池澤。利水道。殺蠱毒。辟不祥。久服益氣。輕身不老。通神明。

雲實。味辛溫。生川谷。治泄利。腸澼。殺蟲蠱毒。去邪惡。結氣。止痛。除寒熱。華。見鬼精物。多食令人狂走。久服輕身。通神明。

徐長卿。一名鬼督郵。味辛溫。生山谷。治鬼物。百精蠱毒。疫疾。邪惡氣。溫瘧。久服強悍輕身。

茜根。味苦寒。生山谷。治寒溼風痺。黃疸。補中。

營實。一名牆薇。一名牆麻。一名牛棘。味酸温。生川谷。治

癰疽惡瘡。結肉跌筋。敗瘡熱氣。陰蝕不瘳。利關節。

旋華。一名筋根華。一名金沸。味甘温。生平澤。益氣。去面

黧黑色。媚好。其根。味辛。治腹中寒熱邪氣。利小便。久服

不飢輕身。

白兔藿。一名白葛。味苦平。生山谷。治蛇虺蜂蠆狗菜

肉蠱毒。鬼注。

青蘘。味甘寒。生川谷。治五藏邪氣。風寒溼痺。益氣。補腦

髓。堅筋骨。久服耳目聰明。不飢不老。增壽。巨勝苗也。

蔓荊實。味苦微寒。生山谷。治筋骨間寒熱溼痺拘攣。明

目。堅齒。利九竅。去白蟲。久服輕身耐老。小荊實亦等。

秦椒。味辛温。生川谷。治風邪氣。温中。除寒痺。堅齒長髮

明目。久服輕身好顏色。耐老增年通神。

女貞實。味苦平。生川谷。補中安藏。養精神。除百疾。久服

肥健輕身不老。

桑上寄生。一名寄屑。一名寓木。一名宛童。味苦平。生川

谷。治腰痛。小兒背強。癰腫。安胎。充肌膚。堅髮齒。長鬚眉。

其實。明目輕身通神。

蕤核。味甘温。生川谷。治心腹邪結氣。明目。目痛赤傷淚

出。久服輕身益氣不飢。

辛夷。一名辛矧。一名侯桃。一名房木。味辛溫。生川谷。治五藏身體寒風。風頭腦痛。面黧。久服下氣。輕身明目。增年耐老。

木蘭。一名林蘭。味苦寒。生山谷。治身有大熱在皮膚中。去面熱赤皰。酒皸。惡風癩疾。陰下痒溼。明目。

榆皮。一名零榆。味甘平。生山谷。治大小便不通。利水道。除邪氣。久服輕身不飢。其實尤良。

龍骨。味甘平。生川谷。治心腹鬼注。精物老魅。欬逆泄利。膿血。女子漏下。癥瘕堅結。小兒熱氣驚癇。龍齒。治小兒

大人驚癇。癩疾狂走。心下結氣。不能喘息。諸瘕。殺精物。久服輕身通神明延年。

牛黃。味苦平。生平澤。治驚癇寒熱。熱盛狂瘕。除邪逐鬼。牛肉。下閉血。瘀血疼痛。女子帶下血。髓。補中填骨髓。久服增年。膽。可丸藥。

麝香。味辛溫。生川谷。辟惡氣。殺鬼精物。溫瘧蠱毒癩瘕。去三蟲。久服除邪。不夢寤魘寐。

髮髮。味苦溫。生平澤。治五瘕。關格不得小便。利水道。治小兒癇。大人瘕。仍自還神化。

熊脂。味甘微寒。生山谷。治風痹不仁。筋急。五藏腹中積

聚寒熱羸瘦。頭瘍白禿。面疔皤。久服強志不飢輕身。

石蜜。一名石飴。味甘平。生山谷。治心腹邪氣。諸驚癇瘕。

安五藏。諸不足。益氣補中。止痛解毒。除眾病。和百藥。久

服強志輕身。不飢不老。

蠟蜜。味甘微温。生山谷。治下利膿血。補中。續絕傷金創。

益氣不飢耐老。

蜂子。一名蜚零。味甘平。生山谷。治風頭。除蠱毒。補虛羸

傷中。久服令人光澤。好顏色不老。大黃蜂子。治心腹脹

滿痛。輕身益氣。土蜂子。治癰腫。

白膠。一名鹿角膠。味甘平。治傷中勞絕。腰痛羸瘦。補中

益氣。婦人血閉無子。止痛安胎。久服輕身延年。

阿膠。一名傅致膠。味甘平。出東阿。治心腹內崩。勞極洒

洒如瘡狀。腰腹痛。四肢酸疼。女子下血。安胎。久服輕身

益氣。

丹雄雞。味甘微温。生平澤。治女子崩中漏下赤白沃。補

虛温中。止血通神。殺毒辟不祥。頭。殺鬼。肪。治耳聾。雞腸。

治遺溺。肫。脰裏黃皮。治泄利。矢白。治消渴。傷寒寒熱。翮

羽。下血閉。雞子。除熱火瘡。治癰瘕。可作虎魄神物。雞白

蠹。能肥猪。

鴈肪。一名鶩肪。味甘平。生池澤。治風擊拘急。偏枯。氣不

通利。久服益氣不飢。輕身耐老。

牡蠣。一名蠣蛤。味鹹平。生池澤。治傷寒寒熱。溫瘧洒洒。

驚恚怒氣。除拘緩鼠瘦。女子帶下赤白。久服強骨節。殺

邪鬼延年。

鯉魚膽。味苦寒。生池澤。治目熱赤痛。青盲。明目。久服強

悍益志氣。

蠡魚。一名鮑魚。味甘寒。生池澤。治溼痹。面目浮腫。下大

水。

蒲陶。味甘平。生山谷。治筋骨溼痹。益氣倍力。強志。令人

肥健。耐飢。忍風寒。久食輕身不老。延年。可作酒。

蓬蘽。一名覆盆。味酸平。生平澤。安五藏。益精氣。長陰令

堅。強志倍力。有子。久服輕身不老。

大棗。味甘平。生平澤。治心腹邪氣。安中養脾。助十二經。

平胃氣。通九竅。補少氣。少津。身中不足。大驚。四肢重。和

百藥。久服輕身長年。葉覆麻黃能出汗。

藕實莖。一名水芝丹。味甘平。生池澤。補中養神。益氣力。

除百疾。久服輕身耐老。不飢延年。

雞頭實。一名鴈喙實。味甘平。生池澤。治溼痹腰脊膝痛。

補中。除暴疾。益精氣。強志。耳目聰明。久服輕身不飢。耐

老神仙。

神農本草經 卷上
白瓜子。一名水芝。味甘平。生平澤。令人悅澤。好顏色。益氣不飢。久服輕身耐老。

瓜蒂。味苦寒。生平澤。治大水。身面四肢浮腫。下水。殺蠱毒。欬逆。上氣。食諸果不消。病在胃腹中。皆吐下之。

冬葵子。味甘寒。治五藏六府。寒熱羸瘦。五癰。利小便。久服堅骨。長肌肉。輕身延年。

菟實。一名馬菟。味甘寒。生川澤。治青盲明目。除邪利大小便。去寒熱。久服益氣力。不飢輕身。

苦菜。一名茶草。一名選。味苦寒。生川谷。治五藏邪氣。厭穀胃痹。久服安心益氣。聰察少臥。輕身耐老。

胡麻。一名巨勝。味甘平。生川澤。治傷中虛羸。補五內。益氣力。長肌肉。填髓腦。久服輕身不老。葉名青蘘。

麻蕒。一名麻勃。味辛平。生川谷。治七傷。利五藏。下血寒氣。多食令人見鬼狂走。久服通神明。輕身。麻子。補中益氣。久服肥健不老。

本草經卷上

